

RONDİK SIMFONIYA ME DIRÊSIN



STIRANEK BO TEV SEMAKERÊN GOVENDA MEZIN

Beşîr Mizûrî

Gelll...
Ji kûratiya hesretê
Ji dûratiya birînê
Ji pîratiya aryanê
Vedirêjin...
Bi ser rûkên
Sar û vemiryayên bajêrê min yê
nivistî de
Dadikevin...
rondikên te
Ez rêvingekê rê ya dûr im
Nojdarê girêbendên hevsûyên
Bi stiraneka bi kofî û por im
Rêving im ...
"Ez yê hatîm ji bajêrekê sirbirî
Ji warekê
Ji ser xuranê-maye xefet-û ji
bîrkirî"
Çi bajêrek xewte ye û
Ez derwêşê terîqetê
Kolanbirê mihebetê...
(şeydayê gulistana)...
Ev çi derên li taq in?!
"Ev biçûkên li ber derî çînkane
dikin
Ne dostin... ne tena dibin
Ne carekê keç dibin û dibêjin
Yên bûyîne kurs û
Stiraneka bi sehim dibêjin..."

- Deûû...
- Hiş be
- Çinet!
Û tu yê sermest
Ez jî
Bo hêlînekê yê bûyîme meest...!
Rondikên te...
Kenyê min kip kir
Mestiya min şil kir
Stirana (werzê pêncê...)
Awaza dilek gerok
Peyama hestek kevok
Çar xula bi tinê guh bidinê:
"Ev e ez dê vegerim
Li werzekê dî gerim
Viyana me bibît asman
Stêra ji çavên te biçînim
Ne zistana xwîsarbûna hezên
min
Ne payîza weryana tev xewnên
min
Ne havîna sotina wêneyên min
Ne bihara geşbûna bi xemên min
Werzekê dî dilberê
Çê bibît bo hemû dema
Sibe zû rabîbin ji xew
Ku tev gul yê çûyîne sema
Werzekê dî ve bibînim
Gula bi gule bidim
Hemû gula bigorînim
Bişkoja bi sînga vekim

Cîhana bikim evî werzî
 Bi ava lêvên qurmizî
 Bibin balinde û bifirin
 Vebibînin xewnên dizî
 Li vî werzî û li vê hebînê
 Ji bîr bikîn rengê xwînê
 Bi bîhna evîn û maçan
 Bireşînin evê jînê
 Di bawêşa sîngê te de
 Û binivim xewna bibînim
 Di nav hêzoka zendên te de
 Stirana xwe bilorînim
 Di nav hêzoka zendên te de
 Werzê pêncê ez bibînim"
 Birim... birim
 Li sermaya hîtoyekê semavan
 Asê kirim
 Giryeka pengiyayî û
 Birîneka
 Di sîngê te de bû ye mexel
 -(Derwêş)...
 "Dê ji birînan pêlayeka mezin /
 çêkey/...ala li ser
 Dê ji xwînê sorava periyek xin/
 lêkey/ ... feza li ber
 Dê ji dîroka pirtirpîrkirî hîzareka
 spî /vehûnî/ okeye
 Tara û
 Dê stirana- cinetê- bêyî"
 Zingila dêrê lêdî
 Mêriyan qutê xwe bar kir
 Evê biwîkê xemla xwe ji kar kir
 Evan xêrxwazan
 Sirûda spêdê bang da
 - Hê yî (daxdayê eşqeka
 sur yalî)...
 "Ev çar niv mirov
 Di çar rojan de
 Bûne "qebahet"
 Ev çil milyonên mirovan jî
 Li ser bextê himû mirovatîyê
 Mayîne ve çar ker xîvet"

Û li wêra he û
 Li perê gundî
 Bûne veket...!
 Û tu jî yê mest
 Rondikeka te dilê min gest
 "Xapînokê... xapînokê
 Tu bûyî stirana (şûngira) û
 şeverokê"
 Rondikên te...
 Şeva me ya kiwîrkirî
 Rêka mala me ya diwîrkirî
 Û minara bangeh li Dêrê
 Sofî çûne pêra ...
 Gellll... ji kûratiya birînê
 Pelll...rûkên te ji tînê û
 "Çiyayên dikin dawetê
 Da roj ronahiyê biditê"
 Cama te ya vala bûyî
 Rondikek tinê ketê
 Û... wa he mala min e
 Kî dê min betê...?!
 Rondikên te...
 Were da pêkve stiranê bêjîne ve:
 "Ka perdeyên çavên xwe vede û
 Ez dê çavên xwe vekim
 Rondikek ji çavên te
 Rondikek ji çavên min
 Peymanekê bi rondika dê nivîsîn
 Sozekê bi rondika dê rêşîn...
 Singê wê bibît mala me
 Lîsekê sil ji birînê
 Dilek te jî ji kenînê
 Warek eşq û evînê
 Penahek vala ji kîne ... û
 Rondikên te...
 Ahîna...rondikên te
 Biriya jan û hesretê
 Bangek bo Qiyametê
 Ne gelek...piçek ji mirwetê
 Ma kengî guneh e
 Em jî bilind bikin ala dewletê?!!